

青春诗会



韦树定(广西·河池)

永兴岛西沙光复碑

海潮排浪遥吞山,海风吹我西沙湾。列岛陈迹掩草木,不尽兴亡俯仰间。我闻岛上盘古之苗裔,生生居此华胥国。南溟九万风云接,齐州九点烟螺侧。秦关汉驿通其航,唐风宋制承其脉。粤海渔歌怡其情,琼崖神祇动其魄。所以岛人从鹏徙,海马鲸鲵为之驯。又闻渔民乐天命,玳瑁珊瑚享千春。谁料一夕妖氛兴,倭寇踞此钉国辱。高筑炮楼控群屿,狼心得得鲛夜哭。盗我宝藏三层金,役我渔民如鱼肉。可怜南洋刀俎哀,中原板荡亦劫灰。几处伤心放翁泪,几人起舞祖狄催?但喜击楫有国士,南下军舰收失地。岛以舰名故永兴,民间国士赞大义。君不见,至今椰底峥嵘处,片石犹勒张氏碑。读碑黄昏碧血热,岛风熙熙扬我眉。

月 山

小站嘉名报亦轻,灯光树影客兼程。
太行春向此中断,一夜火车呜咽声。

刘 川(辽宁·沈阳)

相 思

如探瓠中汤,为撷几缕香。
似游剧苦海,来觅一颗糖。

山 中

思君不能见,人在山中老。
常对一枝花,开完又谢了。

名 字

何忍忘君名,书之于日记。
今宵偶一翻,已似前生事。

于某书中

十载书里花,深藏色未改。
是君路过时,为我随手采。

啸 尘(江苏·泗洪)

老我诗怀颇不恶,江心屿上看青山。

闲 坐

独坐窗前沐暖阳,书香缕缕度时光。
檐间溶雪轻轻落,滋润心灵一点香。

登池上楼有怀

永嘉山水逢康乐,破萼如花俨脱胎。
吟到池塘春草句,骊珠照夜梦初回。

雪 松

郁郁薰风里,苍苍未足奇。
冰天三万里,独见傲寒姿。

凌铄一(中国地质大学)

朝中措·过徐州

阑珊星斗映苍苍,晨起露微凉。
满地潇潇雨色,流云扶起朝阳。
斑斓一季,繁华四载,故友他乡。会把
韶华共酒,与卿倾尽千觞。

雪

昨夜纷飞至,今朝世界新。
且抛千虑去,来赏一分纯。
明皑层层净,晶莹片片真。
轻风犹凛冽,仍有早行人。

早春乘动车赴山海关

风驰电掣向西南,一路穿行垄亩间。
淡淡田头春尚早,悠悠座上梦将残。
光阴逝去从窗外,诗句敲出在指端。
前有雄关依旧在,初来不记是何年。

读杜诗

一览群峰小,凭高独倚栏。
吟成天欲动,醉里梦难安。
春水文章灿,霜风茅屋寒。
千秋何寂寞,天下孰颜欢。

自 勉

浮云西北是神州,倚剑长歌饮巨瓯。
不愿蓬蒿翔燕雀,应怜天地寄蜉蝣。
矾头落照昔贤骨,碑畔黄花故土秋。
会挽星河扶社稷,弹铗击水誓中流。

李利忠(浙江·杭州)

游池上楼傅震宇兄为摄与谢康乐像

抵掌图有咏

天教康乐辟鸿蒙,山水知音不世功。
怜我远来同抵掌,今年诗比去年工。

唐云龙(重庆)

外婆四周年祭

残寒依旧雨初收,浅浅青苔遍小丘。
伫立碑前浑不语,风吹茅草过人头。

温 州

风尘热客知多少,五马街头往复还。

毕业赴厦门谋生

云天直下落红尘，依旧当年落拓身。
夜雨霓虹回首处，往来尽是陌生人。

海边漫步

漫步沙滩渐湿袍，闲游还欲再撑舢。
人言海上惊涛遍，哪有红尘风浪高。

张友福(贵州·余庆)

寒 夜

一

夜来寒气扣轩扉，似火心思暖四围。
读古诗词情变瘦，到新天地梦增肥。

二

气序严凝近腊天，怀揣梦想卧窗前。
灯丝白把青丝照，疑是飞花落鬓边。

晚步拾句

晚来佳气涌无边，漫步村郊更爽然。
风把阳光拖下水，云将湖面映成天。
知音可赏结三二，诗意当真寻万千。
最喜柳丝能识我，打开心境舞翩翩。

李 远(浙江·桐乡)

新年感怀

守岁宵分漏未残，窗盈朔气掩孤寒。
诗书枕上欣成赏，经史灯前漫佐餐。
入洛声名犹忆陆，拜尘世相总怜潘。

东君莫吝春风赠，解我平生有百端。

新春咏梅

笑迎飞雪与寒邻，抱梦凌霜自守真。
素有高情留淡雅，更无秾丽斗妍新。
暗香总绕千家月，疏影难沾一抹尘。
唤得春归甘寂寞，清名不籍颂声频。

王 英(浙江·海宁)

卜算子·咏落花

几瓣覆清池，几瓣依金井。零落
纷纷化春泥，争似轻鸿影。 花开
有人趋，花谢无人省，雨片风刀终成
阵，寂寞香魂冷。

浣溪沙·落花

花至清明泣别离，桃花落尽杏花
飞，今春又是暮春时。 如雾如风
如旧梦，和烟和雨和新泥，幽香瓣瓣
竞相辞。

蔡敏敏(浙江·海宁)

水龙吟

偷来几日新晴，碧空万里云如
雪。风烟渺渺，冥冥飞鸟，芳愁无歇。
雁字频传，音书不断，相思难解。更无
人略胜，唯君知我，幽兰泪、胭脂血。

长夜孤衾易冷，梦中人，翠眉朱
闼。相依日短，怎生消去，指间岁月。



春色涟涟，滴红泼绿，垂丝牵蝶。与何人说得，柔肠百转，情思千结？

望江南

春已至，风过草青青。半筐寒衣着未尽，满城豆蔻竞娉婷。雨后更清明。人不寐，数落一天星。天下伤心何事最，多情偏教遇无情。流水寄浮生。

醉落魄

乍寒风作，天高云碧黄花落。秋光未老衣裳薄。相聚一时，相忆还离索。樽前一曲博欢乐，离歌欲咽无人觉。天涯此去各漂泊。回首从来，不悔从来错。

方建飞(浙江·平湖)

金缕曲·丁酉冬日，大寒将近。

一载光阴了。看湖山，繁华尽被，北风吹老。野树枯枝僵似铁，梦里恹恹衰草。更憔悴、伶仃归鸟。漠漠冻云天欲雪，到黄昏，路上行人少。暮色冷，街灯早。谁家放得烟花好。映长空、天边斗艳，眸前争俏。火树银花新岁近，旧事云烟渐渺。算夜夜、心思谁晓？几点梅苞开未半，却已将、隐隐春情报。生意满、暗香绕。

清平乐

丁酉腊八，小雪。当湖陈似娟老师微信发来陈氏古梅怒放照片，赋此。

横斜疏影，一派清幽景。万点琼苞枝上迸，独把风骚管领。窗前瑞雪飘扬，人间百事呈祥。腊八喜凭微信，粥香更有梅香。

巴浩文(山东·烟台)

小年日杂咏(新韵)

面容不改旧衣衫，囤货人家味洒然。过尽烟花三百日，江南江北又年关。

2018年春节与孙王夫妇小聚并诗赠

三人坐饮响杯盘，目下佳肴欲小山。桃李相识年五六，葡萄频化酒十千。汲汲来日花如海，脉脉此时春似蚕。树若有心应念雪，好摘梅萼向头簪。

何亚兵(江苏·扬州)

某友参加邵伯中学三十年同学会，属予题联以贺恩师，并制五律一首以记。联曰：桃李不言，且看小溪累累自叠印；松柏常健，方知大德昭昭有遐龄。

召爽流芳处，甘棠树长春。
见容同忆貌，落座互猜音。
掬水思源本，闻花念宿根。
纵然隔海岳，浑梦总相邻。

凌宇(安徽·芜湖)

冬 思

暮雨潇潇又一冬，枯松落叶尽西风。
蜗居犹盼椿萱茂，客路哪知岁月重。
雁去影徘徊云外信，苔侵霜染梓前翁。
归期细数何人少，无限相思寄夜中。

二十三岁生日自题

田畴绿叶落西风，二十三年若梦中。
世事无常谁觉晓，韶华将逝水流东。
常迷虚蝶寻庄子，敢秉初心笑放翁。
峻岭萧条春未到，更期拾履月前逢。

何文浩(湖北·天门)

黄鹤楼

羽轻黄鹤去，鹤去大江浑。
玉笛横三楚，梅花落几春。
龟蛇长对峙，烟霭自朝昏。
黄鹤知何处，依稀月半轮。

云

生乃青冥柱，亡为碧海魂。
鸿鹄焉可比，瑞霭或同根。
梦去乾坤阔，愁来日月昏。
莹莹弹铗处，清瑟满柴门。

山柏荣(浙江·嘉兴)

王店建林梅园得句

南郊香雪海，梅里远嚣尘。

日暖抽枝密，蜂轻落蕊频。
一丘透可目，千树晚留人。
相对怜头白，及时且惜春。

王店石园垂枝梅

一样花开底事迟，懒争上位异凡枝。
应知主雅欣来客，先向游人作揖垂。

牛文华(青海·贵德)

立 春

红鲤破冰寒意遁，东风软雨落心尘。
蛰虫涌动惊新客，南雁归来北国春。

如梦令·燕燕归来

绿绿红红春到，燕燕衔泥辛劳。
悄语复喃喃，昨日梦中欢笑。安好，安
好，咫尺伊人窈窕。

张涛涛(甘肃·正宁)

有感于永平老弟古道热肠因赋两首

一

相逢尚是少年时，二十多年更觉痴。
欣有温情浓似酒，不辞笨拙为君诗。

二

咫尺天涯难遇时，此心依旧两相痴。
别来多少沧桑事，尚有激情能赋诗。

